

# AW2 ანალიტიკური წერა

სამუშაოდ გეძლევათ 70 წთ.

გაითვალისწინეთ: ამ ფურცლებზე შესრულებული ნაწერები არ მოწმდება. თქვენი ნაშრომი შეფასდება მხოლოდ პასუხების ფურცლის მიხედვით.

## დავალება I – გადაწყვეტილების დასაბუთება

დავალებაში მოცემულია გადასაწყვეტი საკითხი, მისი გადაჭრის ორი შესაძლო გზა და ორი პირობა. გააკეთეთ არჩევანი ერთ-ერთი შესაძლებლობის სასარგებლოდ მოცემული პირობების გათვალისწინებით. მოიყვანეთ არგუმენტები თქვენი არჩევანის დასაბუთებლად და კრიტიკულად შეაფასეთ საკითხის გადაჭრის მეორე შესაძლო გზა.

გარემოს დაცვის ორგანიზაციამ, „მწვანე დედამიწამ“, დააარსა გამომცემლობა და პირველი წიგნი უნდა გამოსცეს. მას აქვს ორი შესაძლებლობა:

(1) გამოსცეს გარემოს დაცვასთან დაკავშირებული სტატიების კრებული, რომელიც ეკუთვნის ცნობილ ჟურნალისტს. ჟურნალისტი ხშირად მოგზაურობს მსოფლიოს სხვადასხვა ქვეყნებში; მისი სტატიები ეკოლოგიური პრობლემების შესახებ პირად გამოცდილებასა და დაკვირვებებს ეფუძნება. სტატიები განსაკუთრებული პოპულარობით სარგებლობს მკითხველებში და ყოველთვის იყვრება მედიის ყურადღებას, რადგან ჟურნალისტი ახერხებს რთული სამეცნიერო პრობლემები გასაგებად და საინტერესოდ მიაწოდოს საზოგადოებას. მიუხედავად მისი დიდი გამოცდილებისა და საყურადღებო ნაშრომებისა, „მწვანე დედამიწის“ სარედაქციო კოლეგიას მაინც აფიქრებს ჟურნალისტის სტატიების სამეცნიერო ღირებულება. ამჟამად ჟურნალისტი თავისი ახალი სტატიისათვის იკვლევს ტროპიკულ ტყეებში სამკურნალო მცენარეთა გადაშენების პრობლემას.

(2) გამოსცეს მრავალი სამეცნიერო გამოკვლევის ავტორის, ცნობილი პროფესორის მონოგრაფია. წიგნი, რომლის ავტორიც კარგი რეპუტაციით სარგებლობს სამეცნიერო წრეებში, სავარაუდოდ, დიდ ინტერესს გამოიწვევს საზოგადოებაში, რადგან მასში წარმოდგენილია გარემოს დაცვის ფართომასშტაბიანი სამოქმედო გეგმა. „მწვანე დედამიწის“ სარედაქციო კოლეგიას აფიქრებს ცნობილი მეცნიერის ნაშრომის სპეციფიკური სამეცნიერო ტერმინოლოგიის სიუხვე და აკადემიური სტილი. პროფესორი, ნაშრომის გამომცემასთან დაკავშირებით, აპირებს საჯარო ლექციების წაკითხვას სხვადასხვა დაწესებულებებში და ამ ღონისძიებიდან მიღებული შემოსავლის გადაცემას, შეწირულობის სახით, გამომცემლობისათვის.

თქვენი აზრით, რომელი წიგნი უნდა გამოსცეს „მწვანე დედამიწამ“?





A series of 25 horizontal dashed lines spanning the width of the page, intended for writing or drawing.